

世本集覽

原起

提綱

條例

目錄

通論

四明張氏約園開雕

序

王履軒先生手稿存於屠康侯所者凡四種一曰儒林宗派爲萬季野著十六卷本蓋依辨志堂舊鈔增註其籍貫別號諡法而釐正之者也非於萬書外有所增益二曰全吉士七校水經注四十卷蓋與陳詠橋重理殘本更得校語四十條是也三曰宋元學案補遺一百卷初稿爲四十卷附錄二卷嗣改定爲一百卷其次第悉依黃全宋元學案之舊外附宋儒博考二卷元儒博考一卷原稿幾經改竄皆先生手定者也四曰世本集覽

世本集覽序

一

四明叢書  
約園刊本

其原起提綱條例目錄通論有清本而所謂集覽八冊者後改定爲六冊分卷仍四十有八又先生手輯而待整理者也壽鏞既見此四書先爲其易因刻增註之儒林宗派十六卷次及宋元學案補遺一百卷積三載之歲月合四五同志之精力經三四番之讎校今已將成事矣獨世本集覽一書望洋興歎初與康侯謀擬用攝影法將稿影出再圖整理康侯避之倩商務印書館估價會值國難發於滬上幾遭火厄事不果行忽忽四年輒引爲憾壽鏞於鄉先輩著述斷編殘簡視若其球乃

鉅製煌煌姓氏之原卽生民之始有關史學源流者反忽焉而任其緒之墜豈人情哉且世本卽系本見於史記索隱集解者已無全書而先生自年十六以至四十盡力以期其成者宏目大綱粲焉具備後生小子但事整治便可成書敢不勉負仔肩然其難則更甚於學案補遺逡巡其閒懼其無終者以此也去歲先刻原起提綱條例目錄通論五卷今年元旦馳書康侯仍索其稿思償吾願焉願猶未著手耳先生原起所謂他年成功有日庶副知己之望者未知壽鏞能副先生之望否耶

世本集覽原起

二四期表書

約園刊本

今將已刻者播之於世俾見大凡更望邦人君子匡其不逮而促之成焉若太全氏七校水經注光緒戊子已梓行獨不及水道表是表爲先生輯其子龍光校亦宜刊也民國二十五年四月後學張壽鏞序

先師王子行狀

先師王子諱楚材初名梓楚材其字更名梓材後竟以字行學者稱雁軒先生世居鄞西柳莊坊高祖炳國學生工詩善書歷游大僚幕府著有定海鹽政議咄咄吟曾祖畿祖鏐父謨三世皆名諸生先生稟承家學復徧謁里中名師肆力治經融會漢宋諸儒之說而獨衷一是尤究心六書及音韻之學嘗謂古人以此爲小學童而習之今則訛謬不勝指數又謂書法盛於晉唐亦壞於晉唐蓋專講結構任意增損而六書之法寢失惟顏

世本集覽

行狀

一

四明藏書

約園刊本

魯公尙有典型耳聞者駭之旣補郡博士弟子員餽於庠無錫汪寫園先生士侃同縣童萼君先生槐先後掌教月湖書院皆許爲學有根柢學使道州何文安公按試稱其研覃傳註且終卷無俗字特置高等江右陳碩士侍郎繼任復甄拔之充道光十四年優貢明年考取入旗教習期滿出宰廣東三十年九月署樂會縣事纔數月以疾卒於官咸豐元年正月十四日也年六十先生勤於著述其裒然巨帙最爲精力所著者凡四種一曰重校宋元學案百卷昔黃梨洲先生明儒學案刻於

慈谿鄭氏其宋元學案未及成編季子耒木及吾鄉全謝山皆嘗補輯何陳兩學使屢訪此書後得黃氏耒木補本而全氏弟子盧學博鎬之後人亦出謝山遺書先生與慈谿馮孝廉雲濠合校補訂以付剞劂文安公序之板燬於西夷兵燹先生攜書入都復與文安伯子紹基重校刊於都中先生別成宋元學案補遺百卷馮氏何氏各存其副本一曰彙錄全校水經四十卷謝山先生以水經舊本經註混淆屢經考訂晚主端溪講席猶朝夕披覽蓋已七校而未成完書先生得其遺藁重加

世本集覽

行狀

二

四明叢書

一約圖刊本

釐正闕佚者取趙東潛本引全氏語兼採鮎埼亭集以補之其副本一寄山右張石舟穆屬其覆校刻入楊氏叢書一存慈谿馮氏又依酈註作水道表如原書卷數由是讀水經者瞭如指掌一曰世本集覽上自皇古下逮戰國遇未見書足資考證者靡不薈萃其中露鈔雪纂歷三十餘年不懈一曰王氏宗譜備考八卷耶那太原各分支派先生廣搜博採元元本本脈絡分明雖譜學專家無以過之其於諸經各有箋釋彙爲解經錄惟易有專書曰周易解詁他書數種曰夏小正輯註曰說

文引經錄曰補輯韻表曰校註高郵王氏詩補韻曰增  
補萬季野儒林宗派曰補輯沈定川文集曰句甬紺珠  
錄皆精核可傳所著古文四卷曰樸學齋文鈔古今體  
詩一卷曰北遊贖語並藏於家先生世承儒業家風孝  
友白華潔養修脯之外不名他錢有弟二人季早卒與  
仲弟式好無閒先生赴官使掌會計及先生卒挈其眷  
屬扶匭歸葬某鄉之原先生生於乾隆五十七年十月  
十六日卒於咸豐元年正月十四日配水氏子二長熙  
原名龍光克衍家學以經解見錄兩補僧生次焜原名  
爲光前卒女二長適陳懋煒次適廣東候補道屠繼烈  
孫二潤培恩培先生教授鄉里循循善誘先品行而後  
材藝先經術而後詞章勤於先生之學未窺藩籬何論  
堂奧第念先生汲古研精殫心著述儒宗經學並得薪  
傳自道範云遙長子又復不祿有孫孤弱恐日久無知  
先生者會縣有修志之舉用敢粗陳梗概伏望秉筆諸  
君子垂採焉至居官莅政以受任日淺無所表見且先  
生之足傳者不在一官諸君子當共諒之受業陳勸謹

狀

壽鏞案鄞志傳本此狀不再錄 又案先生遺彙壽

鏞所見者四種一爲宋元學案補遺先成於道光戊

戌者爲四十二卷續於原稿中附益始己亥春終庚

子冬者乃釐爲一百卷別附宋元儒博攷三卷二爲

世本集覽其緣起作於道光辛卯同時編目錄分八

冊今存彙爲六冊四十八卷

自題書籤並分題  
禮樂射御書數

三爲

全謝山七校水經注十二冊先生取謝山遺彙重加

釐正更補水道表所謂王氏重錄本也四爲校訂萬

氏儒林宗派十六卷先生依辨志堂本重爲釐訂刪

世本集覽

行狀

四四明叢書

約園刊本

其重複而增註籍貫別號諡法非於萬書外有所增

益也

陳氏行狀謂增補蓋未  
見原書鄞志因此而誤

四爲雜纂一冊採取經

書粹語分類誌之取於易者爲多昔歲先生之孫名

恩培者交屠康侯收儲壽鏞已將儒林宗派十六卷

宋元學案一百卷別附三卷次第付梓惟世本集覽

六冊其兩冊恩培交康侯時已有鼠啣矣全書浩繁

排整頗不易易四顧躊躇尙無善策假我歲月當完

成之丙子春後學張壽鏞識



世本集覽原起

梓材自七歲就傳讀小學諸書略識古人名而未知其姓氏之由十歲始從先君子夢僧公于張鄆溪司馬家授讀尚書及毛詩序知有唐虞三代以及周之有東西亦知有十五國之分而猶未知帝王之終始與列國之存滅十二歲時見架上春秋傳知其爲紀事之書而古人之名多雜載其中時竊而觀之先君子卽以左傳授讀焉及十四歲受學于家塾先君子爲及門諸子講論司馬遷史記梓材亦與聞焉因知帝王列國之源流且見史記索隱集解多引系本時與史記相出入意欲見系本之全未始知系本之卽世本亦未知世本之已無全書也次歲從先君子于董小韭明府家得顧復初春秋大事表見其表姓氏者有之表世系者有之以爲獲所未見心益喜爰合而錄之又次歲從先君子于古香眉閣華氏館見同學案上鄭氏通志中有氏族略條分縷析多有裨于所錄而章注國語鮑注國策亦于是年見之及冬季散館因合尚書毛詩春秋傳國語國策史記分列古人之姓氏各詳其系而世本之見于傳注者

亦條載其中先君子見而心許之然年已十六先君子督以舉業世譜之學雖草創有緒而未遑專及有所得焉則竊載之不敢與先君子得見焉而舉業之不工亦職是之故十八歲二十一歲就試並備卷不售先君子益以舉業督課之而梓材亦自以不能撥芹爲媿自是以後始出訓蒙先君子于舉業外兼課以試經之藝而亦未有得焉至二十七歲始入郡學二十九歲先君子見背梓材讀禮之暇因輯舊錄比年館張司馬家教司馬諸孫見其家有羅氏路史及馬氏釋史李氏尙史時

世本集覽

原起

二四明叢書

約園刊本

與司馬長君芝雲明經上下議論明經固先君子所深契者嘗勉以世譜之學必不可置釋史尙史諸書專爲梓材購之又姑夫秦孝廉芙人先生示以陳氏竹書紀年集證采錄甚多及其秉鐸湯溪復示以崔氏考信錄是書考證多確亦節而錄之因名舊錄爲世本集覽分卷四十有八以世本爲名者蓋世譜之學以世本爲宗而世本之全卒不可見且世本多爲史記所本亦未見其盡當因其名而不欲復其舊觀古人之書固無事強輯爲也孟子曰誦其詩讀其書不知其人可乎是以論

其世也世本集覽之輯亦以存論世之旨也前明何元子詩經世本古義亦嘗因世本之名矣旣而見坊間有秦氏世本輯補一書而錫山吳仲倫文學以爲實洪氏頤孫所輯其必有據要是書專爲世本而輯與梓材所輯體例迥殊抑集覽之編旣因世本之名亦不能不采錄焉梓材自先君子逝世歷試經解取錄者四因得食餼于庠而年已四十無聞滋媿今茲歲試學使者道州何仙槎先生詢以平日所著梓材不自揣固陋而以世本集覽對且問何時始著及成功與否則告以始輯之年而以云成功則未也退而述其原起如是使他年成功有日更質大人先生商榷而鑒定之庶足以副知己之望而惜乎先君子之不得見其成也道光十二年夏四月十有八日古董王梓材自識

世本集覽

原起

三四明叢書

約圖刊本

世本集覽提綱

尚書斷自唐虞唐虞以前似屬荒遠然易傳云包犧氏  
沒神農氏作神農氏沒黃帝堯舜氏作則犧農黃帝並  
非無稽且易言始作八卦故託始于包犧氏之王天下  
非謂包犧以前絕無可稽之世也特言盤古氏初三皇  
中三皇與九頭紀等十紀或有難憑耳第古人既有言  
之者姑置之存而不論論而不議之列而世本集覽之  
編卽以皇古爲首冊云

包犧神農見之易傳爲信而有徵特以爲太皞炎帝有  
未安者崔東壁考信錄言之詳矣故次犧農于皇古之  
末而太古與因提禪通之裔有見于犧農之世者卽列  
之犧農之時犧農之裔有見于帝世王朝者放此

左傳郊子言官制云黃帝氏以雲紀炎帝氏以火紀與  
晉語少典生黃帝炎帝不曰炎帝黃帝而曰炎黃合郊  
子又云共工氏以水紀共工卽炎帝之支又云大皞氏  
以龍紀而後次以少皞擊之立也以鳥紀火與水龍與  
鳥各以類次而二皞更爲相近又左傳史克言舜舉元  
愷云高陽氏有八才子高辛氏有八才子二高亦爲相

近故于黃炎各爲一冊而共工附之以二皞二高亦各爲一冊其有世系者卽次其世焉

帝典合載堯舜是唐虞之際當合而不分因列爲三格堯之在位七十載爲上格舜之攝位二十八載爲中格舜之在位五十載爲下格其臣之世系亦隨其先後而以三格載之大約先列陶唐氏世系而高辛諸族附之次以有虞氏世系而高陽諸族附之又次則附以二皞之後黃炎之後犧農之後與太古之後焉

古史家以黃帝迄周獲麟之歲爲疏訖紀故列帝世爲

世本集覽

提綱

五十四明叢書

約圖刊本

疏訖紀上夏商以下爲疏訖紀下夏商爲第三冊而夏自少康中興商自武丁中興其前後世又分列焉蓋夏商世系較繁于唐虞卽先代之後亦各有世系可編而最費考核者莫如周家后稷以後文王以前之世系也大都五帝以至夏商史記敍其源流而彼此多不符合當時書籍非若今世可以鱗次而考觀史記者安得承訛襲繆而不爲考正乎哉

周有西周有東周有戰國之周西周唯周魯在位之年世世可考其餘則自共和以後有之前此則不獨年數

莫考世數亦多相懸姑以錯綜之法次之東周平王之  
四十九年春秋始作故或以東周爲春秋之世春秋世  
系莫詳于左傳而公穀及國語亦多有可證世本之說  
亦于是爲詳焉戰國以國策爲本竹書紀年一書其紀  
戰國最確多有史記所不逮學者不得以後人之附益  
而概廢之也秦自昭襄以後僅延數世雖屬一統而適  
爲戰國之餘故不別爲一冊特附于戰國之冊而已

世本集覽條例

姓氏之別世多不明今且以氏爲姓矣或曰姓某氏而不知其爲何姓者良以世譜之學未嘗攷訂也聞之古世本書有姓氏篇上言姓下言氏非不分明但其言系者不能周至姓氏之原仍屬未備今則詳載世系而姓有所宗氏有所別若無姓可系而僅有其氏者則各從其國之世次附載之其無氏可別而僅有其名者亦附載焉至于無國可附則第以代屬之非違博也以人有所遺無以備後人之流覽也

世本集覽

條例

七四明叢書

一約圖刊本

夏商以前有以名稱者則名之以號以氏稱者則號之氏之兩周以後有諡則以諡稱有爵則以爵稱或有名無字或有字無名則以名以字爲稱又有無名與字而人以稱者則人之亦有以國邑見者則卽以國以邑稱之戰國時往往有以子稱者則亦子之皆以見于古籍者爲據非有所杜撰也若上古諸氏往往有其世而無其名則首載某氏而以二世三世次之夏商以後閒有世數而無名可紀者則以某某閒之庶乎燦若列眉瞭如指掌焉已

氏族多與國邑相屬若不標其國邑而受氏之原殊未  
明晰故凡有國邑宜標者皆于格外標其姓氏之後卽  
詳攷國邑以標之蓋就一冊以觀而國邑之存滅可見  
合諸冊以觀而國邑之沿革亦見且有一國而遷都屢  
易有一氏而受邑有加皆不容遺漏而疆域之廣狹山  
川之主名亦不能不備載云

世次亦與年表相關然年表橫列而國君卽位以及薨  
卒或多至數十年表中特以年數紀之卽略載其事蹟  
而觀者或病其不備今則專以其世系之臣僚之見于  
一國之大勢可見卽天下之大勢孰不可見哉

是書有正錄有附錄其人之見于經傳而無可疑者則  
列之正錄其人之見于傳紀而有可疑者則列之附錄  
雖以世系之而正附不妨互見也有備覽有備考其人之  
見于子史而無可疑者則列之備覽其人之見于子  
史而有可疑者則列之備考有存參有存疑其人之見  
于稗野而疑信相兼者則列之存參其人之見于稗野



而疑信不掩者則列之存疑亦從其世系之而備焉存  
焉義各有當也至有斷不可信之人當不以大書書之  
而以旁注見之已耳

世本集覽

條例

九

四明叢書  
約園刊本

世本集覽第一冊

皇古一

盤古 初三皇

天皇十三頭

地皇十一頭

提地人皇之先

人皇九頭三十二世

蜀蜀山之先

五龍五姓一世

世本集覽 目錄

一 四明叢書

約圖刊本

攝提五十九姓三十五世

合雒三姓三世

連通六姓二世

敘命四姓三世

皇古二

循蜚二十二氏

鉅靈 句疆 礁明 涿光 鉤陳 黃神

狇神五世

犂靈 大騄 鬼駮 夤茲 泰逢 冉相

蓋盈 大敦 雲陽 巫常 泰壹 空桑  
神民 倚帝 次民

因提十三氏

皇次四世 蜀山六世

倭傀六世 渾敦七世

東戶十七世

皇覃七世 啓統三世 吉夷四世

几渠一世 狝韋四世 大巢二世 遂皇四

世

世本集覽 目錄

二四明鏡書  
約圖刊本

庸成八世

庖伏羲之先

皇古三

禪通十八氏

倉頡一世 柏皇二十世

中央四世 大庭五世 栗陸五世

麗連十一世 軒轅三世 赫胥一世

葛天四世 宗廬五世 祝融二世

昊英九世 有巢七世

朱襄三世 陰康二世 無懷六世

厲山神農之先

包犧一世

女媧

神農八世

禪通之餘 柏皇 大庭 栗陸 昆連 赫

胥 葛天 祝融 昊英 朱襄

陰康 無懷

附因提後 混沌 東戶

世本集覽

目錄

三四册

約圖刊本

循蜚後 太一卽泰壹

少典黃炎之先

世本集覽第二册

帝世一

疏佗上之一

黃帝十世

分姓十二 姬 若水高陽之先 江水高

辛之先

酉卽嫫 祈

己 泝水少昊之先

滕卽銷 葳 任 苟卽句猗

僖卽釐 姁 儂 依

炎帝八世

分封逢

共工

附禪通後 倉頡 柏 大氏 宿沙 中黃

卽中央 風太昊之先 有媧

封胡

世本集覽

目錄

四四明樓書

約圖刊本

因提後 蜀山 天老卽混沌

循蜚後 大隗卽大騄 鬼方 鬼臿區系

出太一

帝世二

疏佻上之二

太昊口世

分封郝骨 咸鳥巴人之先

少昊八世

分姓 威 蔑

附黃炎後 弱水卽若水 辛 禺 九黎

土敬

因提後 蜀山

世本集覽第三冊

帝世三

疏佗上之三

高陽十世

分封虞有虞之先 天穆之陽夏后之先

別爲黎 陸終 分姓己又分董

世本集覽 目錄

五四明齋書  
約圖刊本

妘 彭又分禿

曹又分斟

莘

高辛十世

分封蜀

分姓祁陶唐之先 盼巫人之先

附二昊後 四叔 重氏

黃炎後 犬戎

伯夷父四岳之先

循蜚後 鬼方

帝世四

疏佗上之四

陶唐一世

別封丹後改唐 陶邱

唐虞之際

有虞一世

別封有庠

附高辛後 八元 龍 商邱 大夏 巫人

世本集覽 目錄

六四明叢書

納園刊本

商殷商之先 邵王周之先

高陽後 八愷 皋 和氏 董 彭祖

崇 越裳 宗

二昊後 羲氏 尹氏 大費 共工

巴人

黃炎後 番禺 元都卽九黎 三苗 汪

芒 逢 四岳 呂 許 允姓

因提後 巢父

世本集覽第四冊

王朝一

疏乞中之一

夏后前四世五帝

後十世十二帝

分封諸姒之國 均 觀 莘 緡 於越

寶氏之先

附有虞後 商改虞 三身 有緡 陳

高陽後 和有窮 有鬲

昆吾 寒氏 過 戈

世本集覽

目錄

七四明叢書

約園刊本

顧 彭 豕韋 斟灌 斟鄩

熊氏

厯 有扈

陶唐後 唐 劉別爲御龍

高辛後 商又居商邱 殷 郟 搖民

二昊後 羲 有莘 淮夷 黃夷

巴 有濟 有仍 風夷

黃炎後 邠 北狄 防風 有施

逢 氏人



循蜚後 巨靈

王朝二

疏乞中之二

殷商前十世二十一帝

後七世九帝

分封諸子之國 黎 南 權 梅 箕

分姓 曼 御別封錫

附陶唐後 唐 豕韋 傅氏

高辛後 幽遷岐周 芮 蜀 東胡

世本集覽

目錄

八四明叢書

約圖刊本

虞夏後 虞 遂 申徒

夏 杞 緡 越 有莘 彤

崇 南巢 匈奴亦作匈戎

高陽後 大彭 豕韋 荆楚 舟人

駸 理氏

二昊後 蒲姑 奄 江 黃 費或作蜚

秦趙之先 巫氏

黃炎後 邳 薛 密須 擊疇 葛 有

熊 犬夷

逢 呂 萊 孤竹 甘向

酈山 氏羌

禪通後 侯氏 伊

循蜚後 鬼侯 鬼方

世本集覽第五冊

王朝三

疏乞下之一

西周十一世十二王

王之近族 單 陶 翟 成公 管氏之

世本集覽

目錄

九四明叢書

約圖刊本

先

共 王史 楊 謝丘

鄭一世一君

武穆 邗

晉九世十君

公族 解氏之先 欒氏之先

邢氏之先

分封 賈 大戎

應 韓 荀 寒

文昭 管

魯八世十二君

公族 顏氏之先 東野之先

梁其之先 公儀之先

本封周

分封 凡 蔣 邢 茅 胙

祭 樊

蔡八世八君

曹九世九君

世本集覽

目錄

十四明叢書

約圖刊本

邾 霍

衛十世十一君

公族 石氏之先

聃 毛 郟 雍

滕十二世十餘君

畢 原 鄆 郇

燕十一世十一君

本封召

分封 譙亦作焦

王季之穆 西號 東號 岑

太王之昭 吳八世八君

分封 閭

虞

諸姬之國 芮 榮 隗 魏 巴 密

隨 鮮虞 赤烏

附殷商後 宋十世十一君

公族 孔氏之先別為正氏

惠氏之先

世本集覽

目錄

十一

四明叢書  
約圖刊本

朝鮮 鄧 三亳 商氏

夏后後 杞四世四君

鄆 於越 辛氏

彤 褒 巢 豷 狁

有虞後 陳九世十君

公族 轅氏之先

陶唐後 祝 唐 杜 房

周傅氏

高辛後 蜀 東胡

高陽後 邾九世九君

別分邾

楚十世十四君

公族別爲熊相氏

分封 夔 麋 翼 濮

蘇 董 己氏戎

鄆卽檜 鄆

程別爲司馬氏

庸 巢 北戎 越裳一作越

世本集覽

目錄

十四明發書

約圖刊本

少昊後 莒七世口君

秦五世五君

分封 梁

趙城趙氏之先

譚 徐 淮夷

沈 姒 蓐 黃

周尹氏 南宮氏

太昊後 任

炎帝後 申 呂

齊九世十一君

公族 國氏 崔氏 晏氏

高氏

分封 檀 邴

許十二世十二君

逢 萊 紀

黃帝後 薊卽鑄 張氏

薛六世口君

蹶 密

世本集覽 目錄

三四明叢書

約園刊本

北狄 犬戎 驪戎

禪通後 焦

世本集覽第六冊

王朝四

疏乞下之二

東周十三世十四王

王之近族 周氏 附諸國周氏

王氏 齊王氏 附諸國王氏

王子氏 鄭王子氏

王孫氏 衛王孫氏

顏氏 王叔氏 甘氏 武強

氏 劉氏 儋氏 陽氏

梁氏 縱氏 黨氏 瑕氏

西周近族之後 單氏 魯單氏 魯狄氏

卽翟氏 諸國成公氏

齊管氏入魯別爲禽氏

詹氏

鄭十二世十七君

世本集覽

目錄

古四明叢書

約圖刊本

公族 公父氏 子人

氏 僕氏 叔氏 良

氏 游氏 駟氏

罕氏別爲馬師氏 國

氏別爲相里氏 印氏

豐氏 羽氏 孔氏

然氏 大季氏

武穆 晉五世七君

別分曲沃襲晉十一世十五君

公族 解氏別爲張氏 樂氏別

爲卞氏 祁氏 籍氏

箕氏

韓氏別爲箕氏邢氏公族

氏 游氏 羊舌氏別爲

銅鞮氏楊氏 閻氏

卻氏別爲步氏冀氏苦成

氏 柏氏卽伯氏別爲楚

卻氏鍾離氏

世本集覽

目錄

五四明叢書

約園刊本

賈 晉賈氏別爲右行氏 附諸

國賈氏

大戎 晉狐氏別爲續氏大狐氏

韓 荀

文昭 魯十世十二君

公族 顏氏 附諸國顏氏 融

氏 東野氏別爲洩氏

梁其氏別爲梁氏 及儀

氏 御孫氏 費氏



展氏別爲柳下氏 郈氏  
眾氏 臧氏 施氏別  
爲少施氏

孟孫氏亦稱仲孫氏孟氏  
別爲子服氏南宮氏陽氏  
公山氏

叔孫氏別爲叔仲氏茲無  
氏 季孫氏亦稱季氏別  
爲公冶氏公鉏氏公之氏

世本集覽

目錄

六十四明據書

一約園刊本

公父氏 東門氏別爲子

家氏仲氏 子叔氏亦稱

叔氏別爲榮氏 公巫氏

嶠氏 有山氏 公冉

氏 公西氏 公輸氏

公夏氏 公肩氏亦稱公

堅 公宣氏 公賓氏

公有氏 公甲氏 公斂

氏 公慎氏 公索氏

公罔氏 公皙氏 公祖  
氏 公伯氏 公仲氏

周

凡 蔣 邢 諸國茅氏 祭

鄭祭氏

蔡十二世十四君

公族 朝氏

附諸國蔡氏

曹十二世十六君

世本集覽

目錄

七四明叢書

約園刊本

公族 卞氏

附諸國曹氏

郈亦作成

附諸國成氏

霍

衛十一世十七君

公族 石氏 太叔氏 孫氏

甯氏 齊氏 司徒氏

北宮氏 析氏 蘧氏

公叔氏 公孟氏 公明

氏 子南氏別爲將軍氏

司寇氏 趙氏 仲叔氏

公文氏 子還氏 公

孫氏

聃亦作沈

附周聃氏 鄭聃氏

魯冉氏

毛

世本集覽

目錄

十六四明叢書

約園刊本

郟

附宋郟氏

滕十三世十餘君

畢

晉畢氏別爲魏氏 魏別爲令狐

氏呂氏

原

附諸國原氏

晉原氏別爲荀氏 荀別爲中行

氏程氏知氏新穉氏 知別爲輔  
氏荀又別爲先氏 先別爲左  
行氏士氏

鄆

附狄鄆氏

燕十七世二十君

分封 陽

召

附諸國召氏

世本集覽

目錄

九四明叢書

約圖刊本

王季之穆 西虢

附晉虢氏又爲郭 夏陽氏

東虢

太王之昭 吳十二世十四君

公族 延陵氏 棠谿氏

閻 附諸國閻氏

虞

公族 秦百里氏

諸姬之國 芮

榮

附榮錡氏

魏

公族

巴密隨

鮮虞亦稱中山

肥鼓

耿滑

頓胡州來息蓼

世本集覽

目錄

二十四明殿書

新圖刊本

項極

舟

附號舟氏

宮

附虞宮氏

養

附諸國養氏

附殷商後

宋十二世十六君

公族 魯孔氏 惠氏 樂氏

別爲西鉏氏司城氏

附晉樂氏 老氏 皇

氏 華氏 高氏入于

魯 莊氏 仲氏 魚

氏 鱗氏 蕩氏 向

氏亦稱桓氏別爲司馬

氏 靈氏 石氏 邊

氏

分封 戴 蕭

世本集覽

目錄

三四明藏書

約園刊本

朝鮮

鄧

別爲鄆

亳 蕩氏 小戎

權 黎

周南氏 魯林氏系出比干 鄭

姚氏 附諸國商氏

夏后後 杞九世十三君

鄆入魯爲鄆氏曾氏

越十二世十餘君

晉辛氏別爲董氏

晉竇氏

齊鮑氏

有虞後 陳十二世十三君

公族 轅氏或作袁 鍼氏

慶氏 顓孫氏 齊陳

氏亦作田別爲孫氏

子仲氏 宗氏 夏氏

世本集覽

目錄

三四明叢書

約圖刊本

亦稱少西氏 孔氏

公良氏 原氏 儀氏

司徒氏 司城氏

遂

四族 因氏 領氏 工婁氏

入齊爲工僕氏 須遂

氏

諸媯之國 圭 廬

陶唐後 唐近楚別爲唐氏

晉杜氏亦作屠又爲屠岸氏 附

諸國杜氏

士氏別爲范氏 范別爲彘氏

劉氏司功氏析成氏 士又別

爲司空氏胥氏

胥 翼

附諸國傅氏

高辛後 蜀

高陽後 邾十一世十二君

世本集覽

目錄

四明叢書

約園刊本

公族 濫氏 公息氏

小邾卽邾

公族 顏氏

楚十世十五君

公族 鬬氏亦稱若敖氏別爲

權氏苗氏 成氏 蔦

氏亦作遠別爲孫氏

申氏別爲范氏 申公

氏 申叔氏 附吳申



叔氏 潘氏

屈氏亦稱莫敖氏別爲

息氏邢氏 伍氏別爲

王孫氏 陽氏

沈尹氏亦稱沈氏 囊

氏 魯陽氏 子南氏

西氏

夔 麋 濮 百濮 戎蠻 茅

戎亦稱徐吾

世本集覽

目錄

臣西四明叢書

約圖刊本

諸熊 鬻 羅 宗

蘇卽濫

分封 郤 晉郤氏

楚彭氏

偃陽 夷 牟 郟

介 根 牟

六 英氏改稱蓼

庸 貳 軫 絞 州 桐

舒

羣舒 舒庸 舒蓼 舒鳩

舒龍 舒鮑 舒龔

北戎卽山戎 無終

晉里氏 李氏 附諸國李氏

少昊後 苕十一世十三君

秦十四世十八君

公族 子車氏 公車氏亦稱

裴氏 逢氏 揚氏

梁

世本集覽 目錄

孟西明較譜 約圖刊本

附晉梁氏

晉趙氏別爲邯鄲氏訾氏原氏屏

氏樓氏

譚

附周譚氏

江 黃 鄭亦作邳 鍾離 不

葵

穀 葛

徐 淮夷

周尹氏

太昊後 巴

任 宿 須句

顓臾

附魯秦氏

炎帝後 齊九世十五君

公族 國氏 崔氏 晏氏

高氏別為盧氏 曹孫

氏 蒙孫氏 申孫氏

世本集覽

目錄

美四明叢書

約園刊本

仲孫氏 隰氏 慶

氏 桓氏 東郭氏別

為大陸氏 盧蒲氏

欒氏 高氏 子淵氏

許十世十一君

附諸國逢氏

萊 紀 州 向

孤竹

姜戎 塗 渾

允姓 郟

黃帝後 薛十二世十二君

附魯黨氏

南燕 偃 闕

附衛孔氏 宋雍氏 鄭雍氏

齊闕氏

北狄 白狄

長狄

犬戎

世本集覽

目錄

三四明叢書  
約圖刊本

驪子 翼戎

禪通後 赤狄 潞 甲氏 留吁 鐸辰

東山臯落氏 磨咎如

伊洛之戎 揚拒之戎

弦

密

附魯宓氏

世本集覽第七冊

王朝五

疏乞下之三

戰國之周八世十一王

王之近族 西周六世六君

東周三世三君

附周氏 諸國周氏

東周近族之後 魏王氏入于秦 齊王氏

附諸國王氏

秦甘氏

西周近族之後 楊氏

世本集覽

目錄

氏四明叢書

約圖刊本

鄭二世五君

公族 駟氏

附諸國鄭氏

武穆 晉五世六君

公族 張氏 附諸國張氏 魏

欒氏 韓楊氏 秦閻氏

楚鍾離氏 秦賈氏

趙續氏

附魏晉氏

韓十三世十一君

公族 藺氏 平氏 何氏

諸韓 附諸國韓氏

文昭 魯九世九君

公族 顏氏 臧氏 孟施氏

孟氏 叔孫氏 季氏

仲氏 公石氏 符氏

附諸國魯氏

蔡三世三君

世本集覽

目錄

五十四明叢書

約圖刊本

別爲下蔡

附諸國蔡氏

曹

附曹氏

諸國成氏

衛九世十二君

公族 甯氏 北宮氏 子南氏

附諸國衛氏

沈氏

附齊冉氏

毛氏

滕六世口君

魏十世九君

公族 樓氏 安陵氏 中山氏

馮氏 附諸國馮氏

信陵氏

諸魏 附諸國魏氏

附畢之別族臚氏辛垣氏

世本集覽

目錄

早四明叢書

約圖刊本

燕十三世十二君

附諸國燕氏

王季之穆 趙郭氏

太王之昭 吳氏

附諸國吳氏

齊虞氏

諸姬之國 巴

中山 吞由

楚項氏

附殷商後 宋五世六君

公族 魯孔氏 戴氏 樂氏

附魏樂氏 趙樂氏

皇氏 華氏

附諸國宋氏

朝鮮

夏后後 杞三世四君

公族 夏侯氏

附杞氏

世本集覽

目錄

三

四明叢書  
約園刊本

魯曾氏

越九世十一君

公族 歐陽氏 鄒氏 匡氏

董氏

匈奴卽獬狁

有虞後 田齊十二世七君

公族 廩邱氏 安平氏 薛

氏別爲孟嘗氏 陸氏

孫氏



諸田 附諸國田氏

諸陳 附諸國陳氏

姚姓吳氏

陶唐後 諸國唐氏

諸國杜氏

魏范氏 秦司空氏

趙傅氏

高辛後 蜀

別國苴

世本集覽

目錄

三

四明叢書  
約圖刊本

東胡

高陽後 鄒卽邾八世

附鄒氏

小邾

附邾氏或作兒倪

楚十世十三君

公族 屈氏 附魏屈氏 莊

氏 秦班氏系出鬪氏

齊王孫氏 昭氏

景氏 列氏 甲氏

上官氏

分封 鄂 陽城 下蔡

諸國蘇氏

諸國司馬氏

李氏別爲段干氏

附諸國李氏

少昊後 莒二世口君

秦十四世十七君

世本集覽

目錄

重刊明叢書

約圖刊本

公族 楊氏 樗里氏 白氏

附秦氏

分封 蜀

趙十三世十一君

公族 奉陽氏 馬服氏 平

原氏

諸趙 附諸國趙氏

分封 代

邲

太昊後 任

燕秦氏

炎帝後 齊四世三君

公族 公羊氏 公孫氏

附齊氏

諸國呂氏

黃帝後 薛三世口君

附薛氏

禪通後 齊伏氏卽宓氏

世本集覽 目錄

四明叢書

約園刊本

世本集覽第八冊

雜錄一

皇古

禪通諸國

神農時 少昊 蚩尤 承桑

附皇古諸臣之有氏可紀者

栗陸臣 東里氏

伏羲臣 芒氏

女媧臣 娥陵氏 聖氏

皇古諸臣之無氏可紀者

天皇臣 三輔 九翼

遂皇臣 四佐

帝世

黃炎諸國

黃帝時 西陵 方雷卽雷 西王 西戎

獯鬻

炎帝時 有嶠 華胥 於類

二昊諸國

世本集覽

目錄

皇

四明叢書

約閱刊本

少昊時 爽鳩

二高諸國

高陽時 陳豐 有娥 根水 滕隍 訾

嫫一作鄒屠蚩尤後 交趾

高辛時 散宜 有唐

唐虞諸國

陶唐時 西王 有何卽有河 綸氏 塗

山 肅慎 北發 終北 渠搜

鬼國 周饒幾姓 始州卽丹

山東夷 南蠻

有虞時 歸后夔國

附帝世諸臣之有氏可紀者

黃帝臣 力氏

炎帝臣 白氏 赤氏 吳氏

帝世諸臣之無氏可紀者

黃帝臣 后土

太昊臣 紀通 金提

雜錄二

世本集覽 目錄

夏四明叢書 約圖刊本

王朝

夏后諸國

有唐 河伯之國 綸 皮氏 華氏 有

洛 肩 原 岷山 方夷

附夏后諸臣之有氏可紀者

女氏 孟氏 楚琴氏

夏后諸臣之無氏可紀者

殷商諸國

艾應 肅慎 貌胡卽林胡 樓煩 獯

鬻 義渠 西落鬼戎 丹山卽

始呼之戎

東夷

附殷商諸臣之有氏可紀者

雷氏 雷公後 王氏

殷商諸臣之無氏可紀者

雜錄三

世本集覽

目錄

三

四明叢書  
約園刊本

王朝

西周諸國

邶 鄘 暴 西王 西戎 西申卽申戎

翟 獯之戎 北唐 河宗 肅慎 渠叟

樓煩 義渠 東夷

附西周諸臣之有氏可紀者

泰氏 閻氏 散宜氏 祝氏 史氏

伯氏 仲氏 孟氏 仍氏 左氏 家

氏 師氏 保氏 媯氏 鞮鞮氏 華

氏 馮相氏 保章氏 擊壺氏 服不

氏 射鳥氏 羅氏 虎賁氏 旅賁氏

節服氏 方相氏 職方氏 土方氏

懷方氏 合方氏 訓方氏 彤方氏

禁暴氏 野廬氏 蜡氏 雍氏 萍

氏 司寤氏 司烜氏 條狼氏 脩閭

氏 冥氏 庶氏 穴氏 翬氏 柞氏

薙氏 誓蒺氏 翦氏 赤友氏 蠃

氏 壺涿氏 庭氏 銜枚氏 伊耆氏

世本集覽

目錄

吳四明叢書

約園刊本

築氏 冶氏 臯氏 臬氏 段氏

桃氏 韋氏 裘氏 鍾氏 慌氏 磬

氏

西周諸臣之無氏可紀者

東周諸國

胡歸姓 道 附楚道氏 郭 郟 鄆

崇 於餘工 鍾吾 魯梁 縣諸 大荔

義渠 東夷

附東周諸臣之有氏可紀者

庾氏 祝氏 史氏 內史氏 伯氏

叔氏 仍氏 左氏 家氏 武氏 桃

氏 尉氏 簡氏 渠氏 鞏氏 富氏

陰氏 萇氏 賓氏 鄒氏 冷氏

游氏 侯氏 石氏 褚氏 尸氏 慶

氏

東周諸臣之無氏可紀者

世本集覽 目錄

三九四明叢書  
約園刊本

戰國周諸國

費 戎 林胡 樓煩 大荔 義渠

附戰國周諸臣之有氏可紀者

伶氏 游氏 馮氏 蔡毋氏

戰國周諸臣之無氏可紀者

雜錄四

王朝

附西周同姓國諸臣之有氏可紀者



魯 殷民六族 條氏 徐氏 蕭氏

索氏 長勺氏 尾勺氏

宗 祝 卜 史 臧氏

衛 殷民七族 陶氏 施氏 繁氏

錡氏 樊氏 饑氏 終葵氏

史

晉 懷姓九宗

西周同姓國諸臣之無氏可紀者

世本集覽

目錄

四十一

四朝叢書  
約圖刑本

附西周異姓國諸臣之有氏可紀者

楚 蘧氏

西周異姓國諸臣之無氏可紀者

附東周同姓國諸臣之有氏可紀者

魯 尾生氏尾勺之後亦作微生 微氏

太史氏 宰氏 師氏 樂正氏

樂氏 梓氏 左邱氏 夏父氏

富父氏 子桑氏 仲梁氏 閔

氏 申氏 縣氏 漆雕氏 澹臺

氏 蔦氏 女氏 鍼氏 阮氏

沈猶氏 慎潰氏 有氏 卜氏

龍氏 南氏 郭氏 侯氏 序氏

亦作徐 牧氏力牧後

衛 史氏 卜氏 師氏 右宰氏 褚

師氏 渠氏 華氏 禮氏 元氏

裘氏 祝氏 雍氏 懿氏 慶

氏 夏氏 鄔氏 左氏 匠氏

世本集覽

目錄

聖朝明藏書

約圖刊本

廉氏 琴氏 柳氏 端木氏 羊

角氏 彌氏 戲陽氏

晉 史氏別爲蔡氏 師氏 平氏 呂

氏 共氏 慶氏 陽氏 輔氏

虞氏 介氏 女氏別爲司馬氏

甯氏 長氏 田氏 清氏 綦毋

氏 州氏 涉氏

鄭 尹氏 祝氏 史氏 師氏 尉氏

良氏 洩氏別爲堵氏 孔氏

皇氏 石氏 侯氏 樂氏 司氏  
高氏 裨氏 馮氏 菟氏 索氏

吳 壽氏 專氏 要氏 干將氏 石氏  
氏 頽黃氏 言氏

東周同姓國諸臣之無氏可紀者

附東周異姓國諸臣之有氏可紀者

齊 宗氏 祝氏 太史氏 南史氏

世本集覽 目錄 聖 四明叢書 約 圖刊本

師氏 弦氏 易氏 烏氏 伯氏

北宮氏 郭氏 南郭氏 北郭氏

氏 閻邱氏 梁邱氏 梁氏 華氏

氏 孟氏 盈成氏 傲氏 析氏

越氏 孔氏 襄氏 裔氏 步氏

叔氏 莒氏 莊氏 韓氏 石氏

宋 匡氏 南宮氏 伯氏 祝氏 彤氏

氏 田氏 卞官氏

陳 女氏 處師氏 巫馬氏 泄氏 一

作世

越文氏 寺氏 諸氏

秦史氏 蹇氏 壤氏 胡氏 西乞

氏 白氏 九方氏 任氏

邾茅氏 夷氏

楚史氏 師氏 工尹氏 仲氏 土

氏 連尹氏 虞邱氏 鍾氏 費

氏 鄢氏 左史氏 石氏 大公

氏 淖氏

世本集覽

目錄

皇朝四明叢書

約圖刊本

東周異姓國諸臣之無氏可紀者

附戰國周同姓國諸臣之有氏可紀者

魯樂正氏 仲梁氏 齊閔氏 申氏

縣氏 女氏 制氏

衛左氏 端木氏 薄氏

韓段氏 嚴氏 雍氏 樛氏 侯氏

魏卜氏 西門氏 任氏 季氏 翟

氏 如氏 皮氏 縮氏 姚氏

石氏 孫氏 龍氏

燕 史氏 郭氏 高氏

戰國周同姓國諸臣之無氏可紀者

附戰國周異姓國諸臣之有氏可紀者

齊 宗氏 弦氏 北宮氏 南郭氏亦

作南伯 北郭氏 閻邱氏 益成

氏 孟氏 越氏 孔氏 黔氏

宋 田氏

世本集覽

目錄

四明叢書

約圖刊本

田齊 匡氏 雍氏 馮氏 甘氏 沈

氏 陽氏

秦 史氏 任氏 鉅氏 繆氏 烏氏

趙 廉氏 泫氏 牛氏 仇氏 劇氏

延陵氏

楚 靳氏 襄氏

戰國周異姓國諸臣之無氏可紀者

世本集覽通論

古帝之號以神稱者則有若循蜚紀黃神氏狃神氏禪  
通紀神農氏而神堯神禹亦其類也以靈稱者則循蜚  
紀鉅靈氏犁靈氏是其以皇稱者則天地人初三皇中  
三皇而後有若因提紀皇次氏皇覃氏遂皇氏禪通紀  
史皇氏柏皇氏而包犧曰羲皇女媧曰媧皇神農曰農  
皇黃帝曰軒皇亦其類其以帝稱者則循蜚紀有倚帝  
氏黃帝炎帝並見國語而黃帝又曰帝鴻氏蓋自是以  
後至唐虞莫不稱帝史記三代世表夏商之主亦皆稱  
帝西帝之僭號爾

古人名號與國多以大稱者循蜚紀有大驩氏大敦氏  
因提紀有大巢氏禪通紀有大庭氏又黃帝師大填顛  
項師大款黃帝臣大撓大隗大丙大常卽常先大容卽  
容成大封卽封胡伏羲後有大風少皞後有大費諸書  
稱舜曰大舜禹曰大禹而高陽後國有大彭高辛後國  
有大夏大亦作泰與太循蜚紀泰逢氏泰壹氏與少皞  
之前太皞是也亦多以少稱者黃炎之先少典氏蚩尤

之國曰少昊與高陽之前少皞是也少亦作小夏有太康少康商有太甲太丁太庚太戊小甲小辛小乙春秋時有大戎小戎戎之二帥曰大良少良東夷之人曰大連少連邾之分封曰小邾其以有稱者更指不勝屈禪通紀有巢氏少典所娶有嬌氏帝嚳所娶有駘氏有娥氏高陽之後妘姓有鄆姚姓有庫太皞後有濟高辛時國有唐氏唐虞時國有河夏時國有仍氏有南氏有窮氏有鬲氏有扈氏有莘氏有施氏有易有緡有洛商時國有熊氏有熊系黃帝本國而虞曰有虞商曰有殷周

世本集覽

通論

二

四明叢書

約圖刊本

曰有周其較著矣亦有以無稱者禪通紀無懷氏春秋時無終國堯之臣無句齊厲公無忌頃公無野及公子無虧公孫無知高無咎無平陳無宇楚子熊無康及王子無鈞文之無畏芊尹無宇費無極晉韓無忌趙無恤王官無地郵無正魯司空無駭秦庶長無地越無餘蕭還無社是無亦作毋周惠王毋涼其稱弗者魯惠公弗遑楚清尹弗忌亦有稱不者周祖不窋越王不壽魯叔孫不敢公山不狃晉韓不信宋靈不緩楚耿之不比韓申不害以及春秋時不葬之國是又有以何稱者楚公

子何忌魯仲孫何忌齊苑何忌皆無忌弗忌類也

古有一姓而所出異者黃帝姬姓其子唯玄囂昌意倉林皆爲姬姓昌意之後爲高陽玄囂之後爲高辛皆姬姓也高辛之後唯周爲姬姓黃帝子青陽夷鼓同爲己姓故青陽後少皞爲己姓而高陽之裔陸終氏之子又別爲己姓是其所出者異也若其同所出而姓有散殊者則黃帝之子分姓十二而少皞己姓又分爲威姓嬴姓高辛之後分爲祁姓子姓優姓盼姓祁姓之後分爲狸姓子姓之後又分爲曼姓御姓陸終出于高陽其後分姓爲八而芊姓別爲熊姓又高陽之後或分偃姓虞夏亦出高陽而虞爲姚姓亦爲媯姓夏爲姁姓亦爲弋姓炎帝姜姓也而其後或分允姓乞姓又分姓墨台若隗姓則神農後非炎帝後也

春秋之世有同氏而異姓者周之劉姬姓也秦之劉則爲祁姓士會之後周魯之陽皆姬姓也而楚之陽則芊姓衛之王孫姬姓自周入焉齊之王孫則芊姓自楚而吳入之齊之國姜姓鄭之國姬姓爲七穆之一晉之范祁姓士氏之別楚之范芊姓則申氏之別齊之慶姜姓



而陳之慶則媯姓也周之成姬姓而楚之成則芊姓也  
衛之子南姬姓也而楚之子南則又芊姓晉之趙嬴姓  
也而衛之趙又爲姬姓姬姓韓氏之別爲邢而芊姓屈  
氏之別亦爲邢衛之孫姬姓也而齊陳氏之別爲媯姓  
之孫楚遷氏之別又爲芊姓之孫周之黨姬姓公族也  
而魯之黨則爲任姓庶族齊仲孫叔孫姜姓而魯仲孫  
叔孫實爲姬姓魯之族有姬姓之顏而小邾之族又有  
曹姓之顏魯之仲姬姓而宋子姓亦有仲宋之莊子姓  
而楚芊姓亦有莊宋之桓子姓而齊姜姓亦有桓齊之  
樂姜姓而晉姬姓亦有樂齊之高姜姓而宋子姓亦有  
高又鄭之高則不知其姓衛之孔媯姓陳之孔媯姓宋  
之孔子姓延于魯鄭之孔姬姓而孔叔爲三良之一則  
又不知其姓也魯之別封爲樊而衛分殷民七族之一  
已有樊宋之別封爲蕭而魯分殷民六族之一已有蕭  
唯魯鄭之公父與叔晉鄭之游皆姬姓也至于周之南  
宮尹氏之別也魯之南宮孟氏之別也而宋之南宮不  
知其所出衛之北宮公族也而齊之北宮爲庶族吳之  
延陵公族也而晉之延陵爲庶族吳之後爲吳而姚姓

亦有吳且有召伯氏不出于召公而出于魯之子叔氏  
朱氏不出于二邾而出于宋之公朱氏管氏不出于管  
叔而出于周穆王又衛之遯卽渠魯之曾卽鄆楚之蔦  
卽遠而魯之爲亦卽遠齊之工儂卽遂之工婁魯之冉  
卽周鄭之聃不可不知也

氏族之不知所出者不可勝稽其有可稽而同國同氏  
實異出者如齊有國高之高又有樂高之高魯有孝公  
時臧氏又有孝公後臧氏鄭有七穆良氏而良佐已在  
穆公前晉有世家箕氏而韓氏又別爲箕氏襄之世有  
輔躒而知過又別爲輔氏又士氏卽范氏之先而先蔑  
亦稱士伯宋有孔氏孔父之後也而襄公之孫又爲孔  
叔楚有遠氏在春秋前而遠章之後又爲遠氏周氏爲  
周公之後而汝南周氏別爲一宗特未見經傳耳王子  
成父之後爲王氏而太子晉之後亦爲王

氏族有傳記可據而後人誤之如魯顏氏實出公族姬  
姓見左傳而陋巷志謂出自邾魯高柴之高實出自宋  
文公時始仕于魯見春秋戴記而氏族家謂出自齊者  
是也又有其人可實而自古昧之如卞莊子實爲秦莊

子子莫爲顛孫子莫子襄爲顏子襄顏柳爲顏子柳  
鑿可據而世多昧之者是也又案傳記古人之名有古  
合而今知其分者皋陶之與庭堅伊尹之與保衡仲虺  
之與萊朱南容之與南宮敬叔陽貨之與陽虎之類是  
也有古分而今知其合者后稷之與庚辰慶誦之與慶  
節宋將鉏之與西鉏吾華合比之與皋比樂舉之與樂  
呂之類是也

虞夏之世人名官名多冠以后如后稷后夔有窮后羿  
伯明后寒是而夏后氏之以后系代尤爲較著西周王

世本集覽

通論

六

四明叢書

約園刊本

臣多以君系名如君奭君陳君牙是而周祖公劉公非  
則先以公系名云

夏商之世多以甲名爲號蓋起于夏之中葉夏有孔甲  
有履癸商則始于上甲微蓋以甲稱者七以乙稱者六  
以丙稱者二以丁稱者八以戊稱者一以己稱者二以  
庚稱者六以辛稱者四以壬稱者三以癸稱者一而庚  
丁則兼稱之其系以報者三系以主者二系以太者五  
系以沃者二系以小者三系以仲者二系以外者二系  
以祖者五系以南者二系以武者二而祖己則臣也非

君也至周之初宋有丁公齊有丁公乙公癸公猶存其號若周祖庚辰蔡君甲午不在此例唯魯叔孫穆子之子孟丙仲壬尙有古意云

古號有巢者二一卽大巢氏一在禪通紀號倉頡者二一卽史皇氏一爲黃帝臣號軒轅者二一在禪通紀一卽黃帝氏號祝融者四一在禪通紀一爲黃帝臣一爲炎帝帝後一爲顓頊後號其工者三一爲伏羲臣一爲炎帝祝融後一爲帝堯臣而伏羲臣柏皇大庭栗陸赫胥昆連葛天昊英朱襄無懷之爲禪通諸氏之餘混沌之

世本集覽

通論

七四明叢書

約圖刊本

爲因提渾敦後也則二而實一者矣又女媧二一爲伏羲之別一則黃帝之臣有熊二一卽黃帝之國一則黃帝之後大禹二一爲女媧後一爲夏后氏少典二一爲黃帝之先一卽少典之後巫咸三一則伏羲之後一則十巫之一一則殷之賢臣伯夷三一爲四岳之先伯夷父一爲四岳從孫虞之秩宗一則孤竹君之長子伯鯨二一爲顓頊之子一爲崇伯鯨而實伯鯨之裔也句芒二一卽重氏一卽句望有虞之先羿二一在堯時一在夏時實爲世官畀二一與丹朱朋比亦作傲一爲寒浞

之子本作澆商邱二一爲鬪伯國一爲相土國實一國  
叔達二一爲八愷之一一爲吳太伯曾孫棄二一爲后  
稷一爲宋元公之母皆以棄寘而名有莘二一爲少皞  
之後一則太姒之國豕韋二一爲陸終後一卽御龍氏  
而商有二太丁一則成湯之子一則武乙子亦號文下  
二帝乙一則成湯一則紂父周有二定王一爲頃王弟  
一爲元王子亦稱貞定王周有成烈王又有烈王周之  
先有辟方而孝王亦名辟方是又不可解也周人作諡  
祖孫之諡本不宜複或有代遠而複出者如魯有二潛

世本集覽

通論

八四明叢書

約圖刊本

公一爲莊公子春秋傳作閔一爲平公子一作文而魯  
之始祖周文公僖公子亦曰文是有三文公也燕有二  
桓公二文公二簡公衛有二莊公宋有二昭公秦有二  
惠公齊有二莊公而滕亦有二文公見孟子者世本作  
元公邾亦有二莊公儀父之諡則未見經傳晉君諡厲  
者二厲侯厲公諡獻者二獻侯獻公諡文者二文侯文  
公諡武者二武侯武公諡成者二成侯成公諡昭者二  
昭侯昭公有靖公又有靜公靜卽靖也燕有潛公又有  
閔侯衛有懷公又有懷君若齊有太公桓公田齊之初

亦有太公桓公則非祖孫相襲後世開國之主與成功之君其諡往往相同卽此類也晉桓叔二一武公之祖一悼公之祖而哀公之祖亦諡桓子則祖孫相襲也又若蔡文侯名申數傳而昭侯亦名申晉惠公名夷吾靈公名夷皋數傳而昭公又名夷則非以諱事神之道越有二無余一爲開國之君一卽初無余吳有二諸樊一爲夷末兄一爲夷末孫而王僚子有二句卑一爲吳君一則吳人或卽句卑之後其在夷國無諡者則有之而吳君曰周章陳人亦曰周章吳君曰壽夢越臣亦曰壽夢吳晉之君曰夷吾而齊有管夷吾越君曰句踐而宋氏魯氏皆有名句踐者蔡君曰考父曰所事而宋有正考父華所事亦不足怪矣

世本集覽

通論

九

四明叢書

約園刊本

周世國名有異而實同者如鄒卽邾楚卽荆小邾卽邾甫卽呂鄆卽檜是有同而實異者如東虢西虢西周東周上蔡下蔡東不羹西不羹是且有胡國四一姬姓一媯姓一歸姓一卽東胡路國二一隗姓一妘姓徐國二一羸姓一隗姓州國二一姜姓一偃姓舒國二一任姓一偃姓蓼國二一偃姓一姬姓莒國二一己姓一曹姓

燕國二一北燕姬姓一南燕媯姓呂國二一姜姓一任  
姓祝國二一任姓一祁姓泉國二一隗姓一任姓畢國  
二一任姓一姬姓過國二一任姓一猗姓謝國二一任  
姓一姜姓卽申越國二於越媯姓越裳半姓焦國二一  
神農之後一召公之後翼國二一卽晉之異稱一則楚  
之別封唐國二一叔虞國一惠侯國皆姬姓樊國二皆  
姬姓一虞仲後一周公後而慶姓別出一樊卽滕姓也  
沈國黃國皆二其一沈一黃爲臺駘之後一沈則姬姓  
卽之分封一黃則嬴姓江之與國也

世本集覽

通論

十四明叢書

約園刊本

有國而以爵名者如古國西王周國成公是有王侯而  
以臣名者如周頃王名壬臣楚穆王名商臣是有諸侯  
而以王名者如宋成公名王臣是有諸臣而以公名者  
如鄭之商成公衛之許公爲是若魯三家則多有之矣  
攷春秋傳齊有二王姬一襄夫人一桓夫人二衛姬別  
之曰長曰少皆桓之如夫人而桓之母亦曰衛姬魯有  
二孟子一惠之元妃宋女一昭夫人則吳女二定媯一  
襄公母公羊作定弋一哀公母穀梁作定弋皆杞女魯  
有二公子偃一在莊傳一在成傳二公子魚一東野氏

之先在春秋前一卽奚斯也宋有二公子朝一在文傳  
一在定傳楚有二公子申一在成傳一在昭傳齊有二  
公子鉏一在襄傳一在哀傳而宋朝入于衛衛自有公  
子朝見襄傳晉有二公子萬一翼公子一曲沃公子故  
別爲韓萬魯又有二公孫嬰齊一爲叔肸子一爲仲遂  
子故別爲仲嬰齊鄭有二公孫申一子羽子一叔詹子  
故別爲叔申鄭又有二子孔皆穆公子二子侯皆見襄  
傳而一爲子駟辟殺一以貳楚見討衛有二子伯一在  
閔傳一在襄傳楚有二子良一爲惠王弟一爲上柱國

世本集覽

通論

十二四明叢書

約園刊本

在春秋後周有二伯服一在襄王時一爲幽王子在春  
秋前是又不可不知其異矣

東周列國公族多以孫系氏魯有孟孫叔孫季孫氏而  
御孫臧孫邱孫皆其類陳有顛孫秦有逢孫揚孫齊有  
曹孫申孫士孫蒙孫仲孫亦其類亦多以公系氏如鄭  
之公父晉之公族陳之公良秦之公車魯之公儀公西  
公輸十餘氏而公冶公鉏公之公父則又季氏之別也  
衛有公叔公孟公明文氏亦衛之公族若以子系氏  
以父系氏者皆以字爲氏無足爲異者也



東周列國世家各有名稱如魯之孟曰孟孫叔曰叔孫季曰季孫臧曰臧孫郈曰郈孫齊之國曰國子高曰高子管曰管子晏曰晏子衛之孔氏稱孔叔孫甯稱子晉之趙氏多稱趙孟中行氏多稱中行伯知氏多稱知伯范氏多稱范叔卻氏多稱卻伯張氏多稱張孟戰國時百家諸子多稱子諸國分采者多稱君是其名稱之異各隨風俗而別也又周卿大夫與宋魯大夫多名某父魯公子與大夫多稱公某其大夫之適子與公之庶子多稱孺子宋魯大夫多稱某人宋太子之弟多稱母弟

世本集覽

通論

十三四明叢書

約圖刊本

某大夫之適子亦稱世子宋楚諸臣多兼官與名字稱之楚君以敖稱者二其後爲不成君之稱者三又莫敖爲官名而皆以屈氏爲之不可解也楚縣大夫多稱公其內外官名多稱尹晉衛之不成君者則稱子此皆案之傳記而歷歷可攷者也

春秋列國世家有同族而同諡者魯仲孫氏孝伯二一名佗一名羯佗別爲子服氏叔孫氏昭伯二一名起一名帶帶別爲叔仲氏晉士莊子二一鞏朔一士弱范獻子二一士富一士鞅而士爲范之本族也魏氏武子二

一魏犢一魏錡荀氏文子三一中行氏一知氏一荀黶  
宣子二一中行氏一知氏知莊子二一名首一名朔而  
中行與知皆荀之別族也衛甯武子二其見孔子世家  
者或以爲誤云又有同國而同氏與名者周陰忌二一  
昭十二年見殺一見昭二十六年傳魯顏回二一孔子  
弟子一孟獻子之士曾參二一孔子弟子一傳曾參殺  
人者顏高二一斃于定八年一定十四年猶從孔子晉  
士匄二一宣子一文伯梁弘二一在桓三年傳一在僖  
三十三年傳嘉父二一頃父之子一欒氏之黨箕遺二  
一死欒氏之難一則與取前城賈辛二一在成十八年  
官右行一在昭二十二年鄭洩駕二一在隱五年傳一  
在僖三十年傳楚屈蕩二一在宣十二年傳一在襄二  
十五年傳熊相宜僚二一見宣傳一則哀傳本作熊宜  
僚衛甯跪二一在莊六年傳一在哀四年傳齊賈舉二  
同見襄傳一爲莊公而死一爲崔子閒公則寺人也又  
晉董叔三一見左傳范宣子殺之一見國語范獻子執  
之一見趙世家在春秋後韓襄三一公族穆子之子一  
韓將在春秋後一箕襄亦韓氏也其在戰國則趙有趙

世本集覽

通論

十三

四明叢書

約園刊本

豹二一陽文君一平陽君毛遂二一平原君之客一野  
人墜井者而趙勝有二一平原君一在春秋時卽邯鄲  
勝也周有周最二一西周公子一則齊魏說客也至異  
國而同氏與名者春秋時史嚚二一號一齊國子二一  
齊一邢百里二一許一秦石買二一衛一越石乞二一  
衛一楚顏闔二一魯一衛驪蔑二一齊一鄭侯孺二一  
蘭一鄭行人子羽二一鄭一衛邠師二同見襄傳晉則  
二十一年見殺齊則二十五年見于傳戰國時田文二  
一齊一魏陳軫二一秦一齊田光二一齊一燕張丑二  
一齊一魏唐睢二一秦一魏張儀二一魏一韓王賁二  
一趙一秦公孫衍二一魏一齊王陵二一秦人一見楚  
漢之際吳廣二一趙人姚姓一與陳涉爲亂者其雜見  
春秋戰國而同氏與名者則陳莊二一齊人見春秋傳  
一秦人相蜀王豹二一齊人見傳一衛人見孟子書周  
舍二一韓宣子時人一魏人程鄭二一晉人一山東遷  
虜趙嬰二一卽樓嬰一秦五大夫趙成二一景子一趙  
高之弟王孫賈三一衛一楚並見春秋傳一齊人則伍  
員之移也

左桓六年子同生傳申繻言名有五云以名生爲信以  
德命爲義以類命爲象取于物爲假取于父爲類解者  
謂以名生若唐叔虞魯公子友宋仲子生而有文在手  
之類以德命若文王名昌知能昌盛周邦武王名發知  
能發兵誅暴之類以類命若孔子首象尼邱因命名曰  
正而字仲尼之類取于物若伯魚生而人饋之魚因名  
曰鯉之類取于父若子同生與父同日因名曰同之類  
蓋類而推之若高辛生而自言其名以及后稷之後生  
而曰鞠昭王之子生而曰翁皆以名生者若屈原之肇

世本集覽

通論

十五四明叢書

約圖刊本

錫嘉名其類不可勝數楚箴尹克黃之改名曰生晉穆  
侯之命少子曰成師皆以德命也若鄭穆之夢蘭以生  
命之曰蘭亦以類命也若令尹子文之名穀於菟是取  
于物者晉趙衰之子曰同嗣爲原大夫是亦取于父也  
申繻又曰不以國不以官不以山川不以隱疾不以畜  
牲不以器幣而世多犯之若晉悼公宋公孫之名周晉  
中行氏蔡朝氏之名吳周原伯之名魯毛伯之名衛周  
太子衛宣公之名晉周襄王衛成公宋公孫向氏晉平  
氏箕氏之名鄭魯哀公之名蔣滕昭公之名毛成公之

名原曹武公之名滕周公魯林氏鄭游氏之名楚魯僖  
公衛戴公蔡文公昭公之名申魯定公鄭公子之名宋  
楚晉氏之名陳邲敖之名麋周簡王晉昭公鄭靈公蔡  
惠公之名夷魯衛公子之名荆魯陽氏苦氏之名越劉  
文公之名狄非皆以國乎晉僖侯之名司徒宋武公之  
名司空傳已言之蔡桓侯之名封人非亦以官乎魯君  
獻公武公之名具名敖傳注已詳他若晉之鄂侯郟宋  
之仲江魯之卜楚邱苦夷之子陽州非山川之類乎周  
桓公黑肩晉成公黑臀衛公子黑背魯成公鄭公孫與

世本集覽

通論

十六

四明叢書

約園刊本

邾人之名黑肱皆隱疾之類而邾文公之名邳蔭不更  
爲隱疾乎魯閔馬父之名馬宋司寇牛父南宮牛之名  
牛頓子牂之以羊名鄭宛射犬衛公子馱犬史狗晉新  
穉狗之名犬名狗魯公子魚公之魚鄭公子魚臣魯樂  
駕鵝之名魚名鵝非以畜性乎單穆公之名旗鄆鼓父  
之名鼓齊靈公之名環陳宣公齊景公宋昭公之名杵  
曰紀子帛之名帛非以器幣乎要之六者之忌固不盡  
然五者之取則實有確據焉

名之祖孫相襲如周孝王與先公同名蔡侯之名申者

二晉侯之名夷者三已畧舉之最可異者齊祖呂牙而靈公之太子亦名牙宋祖微子啓而景公之養子亦名啓莒祖茲與期而後有茲平公及展與庚與趙祖季勝而後有趙勝公子勝平原君勝田齊祖陳完而陳恆之兄曰完周宗武王發而衛有公叔發鄭有公子發魯宗伯禽而有柳下惠展禽至于厲王名胡儻王又名胡齊鄭武公名掘突其孫厲公又名突莒渠邱公名朱而犁比公名買朱鉏與周穆王名滿而有王孫滿衛襄公名惡而有大夫齊惡石惡齊昭公之兄實爲孝公昭宋成公之孫又爲平公成杞文公名益姑其父桓公實名姑容衛桓公完名諡同音更無論矣復何怪周襄王名鄭而鄭國不改封魯以獻武廢具敖而居然有公孫敖乎古人生而命名二十冠而字名與字多相符如名輒者多字張魯叔孫輒字子張叔輒字伯張是名彌者多字鉏魯公彌一稱公鉏齊犂彌一稱犂鉏是名歸者多字家魯公孫歸父鄭公子蔡公孫歸生皆字子家是名由者多字路魯仲由字子路顏路之名爲無繇繇卽由之本文也名句者多字瑕晉士句字伯瑕楚陽句字子瑕

是鄭駟乞字子瑕以乞有句義也名偃者多字游鄭公  
子偃駟偃吳言偃皆字子游晉籍偃亦稱籍游是名赤  
者多字華晉羊舌赤字伯華魯公西赤字子華是名胙  
者多字向宋向父名胙晉羊舌胙字叔向是名施者多  
字旗齊欒施鄭豐施陳巫馬施皆字子旗是名捷者多  
字車齊公孫捷子淵捷皆字子車是名建者多字木楚  
屈建太子建皆字子木是名耕者多字牛魯冉耕宋司  
馬耕皆字子牛是名嘉者多字孔宋孔父名嘉鄭公子  
嘉字子孔是名喜者多字罕宋樂喜鄭公子喜皆字子  
罕是名段者多字石宋褚師段鄭印段皆字子石公孫  
段字伯石是名翬者多字羽魯羽父名翬鄭子羽亦名  
翬公孫揮字子羽則揮與翬通也名楚者多字南鄭游  
楚字子南魯林楚亦稱臨南而衛公子荆又稱公南楚  
荆卽楚也名夏者字西故鄭公孫夏字子西名西者亦  
字夏故陳少西字子夏名申者亦多字西楚鬬宜申公  
子申皆字子西魯曾申亦稱曾西是名側者多字反楚  
公子側字子反魯孟之反實孟之側是名黑者多字皙  
楚公子黑肱鄭駟黑衛狄黑皆字子皙是名點者亦多

字皙魯曾點奚容蒧皆字子皙蒧卽點之本文也名伋者多字思孔子弟子燕伋與孔子孫孔伋皆字子思是名克者多字儀邾儀父卽邾子克王子克楚鬬克皆字子儀宋子儀克則子儀而名克矣又鄭石癸字甲父印癸字子柳魯顏辛亦字子柳柳當作丕蓋以千支爲名字猶楚公子壬夫之字子辛公子午之字子庚也楚公子魴衛史鰌祝鮀魯梁鱸之字子魚孔鯉之字伯魚晉羊舌鮒之字叔魚皆以魚名而字之衛公子鱒之字子鮮又因魚而旁通者也宋華羈鄭罕虎之字子皮晉卽豹之字叔虎亦其類也又有名與字不異者如周樊皮字仲皮魯閔馬父字子馬顏羽字子羽公冶長字子長句井疆字子疆齊公孫明字子明宋高哀字子哀楚潘黨字叔黨晉解張字張侯是則魯公子展之後爲展氏宋公子蕩之後爲蕩氏孫以王父字爲氏安知其非字子展子蕩鄭氏通志氏族略有以名爲氏類蓋未敢深信云

世本集覽 通論 十九 四明叢書 約圖刊本

世本集覽通論終



四明叢書

四明叢書  
約園刊本

四明叢書

四明叢書  
約園刊本